

武

備

志

武備志卷七十三

防風茅元儀輯

陣練制

練六

懸令三

禁令三

練兵實紀曰戰約凡二十四條

第一練戰實大金鼓號令行伍營陣皆戰事也必  
曰實戰爲何只緣往時場操習成虛套號令金鼓

走陣下營，別是一樣家數。及至臨戰，却又全然不同。平日所習器技舞打使跳之術，都是圖面前好看花法之類。及至臨陣，全用不對，却要真正搏擊近肉分鎗，如何得勝？又如平日只用短小竹箭，臨時射大箭高下如何得中？大砲平日不演習，臨時遠近如何着對？又如火箭平日不放過，臨時都放高了，或落在眼前，安得實用？便是晝夜在教場不歇手習，一不合式，徒費勞苦，還是不習一般。若是平日教場所操練金鼓號令，行伍營陣，器技手藝，

一一都是臨陣一般件件都是對大敵實用之物。便學一日有一日受用學一件有一件助膽所謂藝高人膽大也學則便熟不學便生學的便會殺賊保得自己性命立得功不學便被賊殺你們知道這箇緣故豈肯不學今凡教場內行一令舉一號立一旗排一陣操一技學一藝都是臨陣時用的實事臨陣行不得的今便不操器械不是臨陣實用的不做與你領不是臨陣實用的舞打之法不使你學到彼時實行出實用出爾官軍方信之

今禦處  
皆全用  
挑壕法  
所謂口  
置其身  
于死地  
也

第二諭用命往年將官有虛套冒功避禍軍士無  
節制任其退走騎馬者望風而奔步行者躲奔山  
林挑壕而營者爲上等今番誓用車營車不能上  
山車過不得溝險必是平原曠野明明白白列爲  
營壘馬兵在內四面車圍就有快馬亦無處跑去  
車兵多是步卒便走亦不能過虜馬車城稍疎如  
失城事同不思拚命與虜砍殺何處逃避設若無  
功債事大將自有朝廷典刑決放不過一切頭目  
與債事軍也至說謊彌縫之套必當痛禁寧拚

死決不合同你們欺心欺國各宜細思毋蹈覆轍  
悔之晚矣

第三查火器凡將近賊之時火器什伍該管把百  
總再行點閱臨時少火線鏡馬鉛子并燒火藥者  
軍法斬首

第四作怒氣臨陣各人壯起膽來發起怒來想起  
來我與他殺固怕死我殺了他他死我便不死又  
有功賞若被圍在內不誓死戰更有何計敗走時  
達馬廉壯追上都殺了便逃得回陣亡了頭目軍

法連坐亦不饒我是走回也免不得死既食朝廷錢糧身屬我行命在人手何處可避務各一心發猛肅肅靜靜惟主將號令是聽主將不必大官府但一營人馬之中第一大者便是如一隊只有九箇人在彼再無別人則隊總便是主將以上類此第五申連坐你們自來不知節制大小不相鈐束以故進前者徒死而無賞雖欲賞之無處查考退後者倖生而無罰雖欲罰之無處查考也今定節制取有甘結矣如一伍同退只殺伍長一隊同

退只殺隊總、一旗同退、只殺旗總、一局同退、

百總、一司同退、只殺把總、一部同退、只殺千總、以上皆然、如此看之、所殺不過三五人、似與你衆人無干、還可退走也、你不曾細思、此法一行、便是百萬兵一時進前退後、我也都有查考、所殺幾箇人、不怕你百萬人都退不得、聽我說其故、且如一部人齊退、必殺千總、千總但見他一部人退時、他決不退、若是他不退、必被賊殺了、我便將他管下把總都殺了、償千總之命、把總見千總不退、恐陣亡



了千總，就該償命，便是把總亦不敢退，他所管下百總見把總不退，恐賊殺了把總，所管下百總怕我殺了，就守着把總不敢退，百總不退，若被陣亡，他部下旗總都該殺，旗總怕殺，便不敢退，他管下隊總怕賊殺了旗總，必然官府殺他，他也不敢退，就護着旗總站住了，伍下軍恐怕賊殺了隊總，其一伍軍都該殺，便都護着隊總站住，如此不是我所殺止於陣亡的部下三五箇人，便是百萬人也，要同心，那箇還敢輕先退走？若一齊上前同力殺

賊者、頭目致有陣亡、不坐以屬下償命之罪、如有斬獲仍以功論、而以首級先恤死者、然後分與生者、

第六齊士心殺賊只是萬人一心、強者不得先進、弱者不得退後、如臨陣敢有一人非令先進、卽斬賊首得賊馬而還、亦以違令軍法從事、

第七禁貪利法云、射人先射馬、馬仆賊自敗、往時只因愛他馬、要得活獲、故難取勝、你們看賊馬頭有三尺、人在馬上高又五尺、我步兵衝在馬頭尚

有馬 馬前足相隔、賊刀三尺豈能到我身上、我只將血 睨作牆般一堵、密密一字向前用我長刀大棒、打馬頭馬腿、馬傷跌倒、此時賊被跌落、身方未轉、就用大棍劈頭打下、無有不死者、你殺得賊、敗首級、每顆賞銀五十兩、盔甲衣仗、那件不是便宜、何必要馬、况一賊有數馬、我欲殺者賊身、下所騎一馬也、大勢一敗、以後馬匹、那箇不是你、的、若臨陣不先砍賊馬、與牽取賊馬者、俱斬首、千把總以下、故縱同罪、砍傷馬匹、戰畢、卽於營前燒

熟代飯生存好馬俱與衝鋒之人以十匹爲率只抽一馬與收馬者餘皆均散

第八禁貪級自來北軍殺虜專好爭功殺倒一賊三五十人互相爭奪却將敗賊忘了追殺每每致賊以數人爲餌誘你上前都去爭功他却大衆一擁殺來一箇首級又不得不知倒被他殺了多少乘衆少却將營盤衝破全軍沒了迷而不悟其故何也此乃將官平日無嚴制教場內不曾干言萬語說得明白臨時又不曾殺了幾箇違令的以此

養成風弊，再不知改。今日比前不同，若殺倒首級馬匹，都不必管他。殺手只管殺向前去，我自另定一班人割首級收馬匹，但以殺退賊為主。卽將級銀先賞衝鋒首級，以十顆爲率。衝鋒者六顆，銳手二顆，割首級與劊營者二顆，俱係陣前回營均分。仍有臨陣爭首級者，首級入官所爭之人理虧者，斬首。各官旗隊百總一體連坐，把總各以分數坐罪。

第九戒銳手夫銳手善能打賊，使在勢少挫，以助

殺手之膽、使殺手膽壯、殺得賊敗、自可保銃手之命、卽各藝雖有不同、均爲彼此救護保全、何況擇立功名、通是大家受用、臨時打放不如法、故意高放、低放、歪放、畏懼顛搖、後顧者、斬首、交鋒時、許殺手隊總并本管隊總、先割去一耳、回兵查斬、若有把總在近、就送斬首、

第十舉銃、令往往火器銃砲、賊在遠時、因我膽怯、每於數百步外、鉛子所不到處、大小銃砲、只管浪放、或賊來本少、我銃盡放、又打不着他、又可惜了、

所以  
得用  
甚在

火藥氣力及至賊到近與擁衆衝來却稱火藥鉛子都用盡了束手送了可乎今遇賊來不論遠近只聽軍中放銃一箇吹天鷲聲就要銃手放銃照依操時之法輪班點放着准打賊若賊成宗來每人只指定賊宗當中一賊打不奉中軍銃響不吹天鷲聲便是賊進營裏來也不許放銃先放銃者便一銃打死二賊亦不准定以軍法斬首

第十一嚴銃器火器收放不如法臨時致藥濕線濕放銃不響者俱以軍法斬首把總以下知而不

舉及姑息不治者、連坐、因而悞事者、一體斬首。  
第十二禁戀傷陣上血戰之時、遇有我兵戰傷、就  
聽在地、勿令呻吟、吾兵只管向前、便是父子有傷、  
你只管向前殺去、殺了賊、便可收拾調理、卽是與  
父子報仇了、若因而守顧、不行向前殺賊、致軍大  
敗、賊馬追來、就守之扶之、向何處去也、自己命不  
保、如何救人、違者斬。

第十三禁故避、但有詐病、故將軍器馬匹車梁損  
壞、及預先損失、而臨陣方舉、希圖免戰者、斬首示



衆仍查治本管旗隊人役

第十四禁仇私將卒有私讐至臨陣互相報者軍法從事

第十五處水陷凡軍前有水陷我則據高以待之候賊至陷中卽擊若賊不來則設伏退軍誘之第十六處山谷凡有山谷處戰必然設伏佯兵誘之入發伏攻之

第十七失旗鼓凡失旗鼓旌節者全隊斬或爲賊所取者亦全隊斬有功准贖

第十八失戰馬、臨陣失馬者、斬。力戰馬被傷殺者、不坐。

第十九整追兵、凡戰勝追賊、約一里遠、則聽摔鉞響、收軍整隊、恐賊窮返、聞軍亂難整、此令俱出於同戰將領爲主者、不必稟中軍、以其去遠不相聞也。俟稍整、又擂鼓追逐、一面分遣騎兵、各處山頭、林木、都要留人搜賸、恐賊埋伏佯敗、從來虜套如此、果係大敗、亦卽長驅、不許乘此縱賊得脫。雖有前功、不敘。

第二十六卷 十三  
第二十給戰獲凡軍中掠獲按條賞士將領不得  
輒取聽主將從宜分之

第二十一分零功凡雕剿零剿俱不開世襲紀錄  
只作賞聽各下手之人自報不必均論亦無衝鋒  
之賞若報功已完又復報有斬獲者非趕散零賊  
必有不明斷然不准驗係真正亦只報賞假僞者  
斬

第二十二處陣降凡當陣之時賊方迎鋒而來若  
係被擄驅之前向者今給每哨降旗二面遠遠共

呼丟了鎗刀不殺若係丟了鎗刀者令徑往白旗下聽他投附偷生若妄殺一級定斬下手之人償命各相近隊伍頭目不行舉首者同罪若聞呼不改徑持鎗刀前來者聽於陣上殺之仍以虜功併論報功之日卽與開說明白

第二十三禁俘姦凡姦淫民間婦女固在不赦若臨陣追獲虜婦未奉明文配賞而姦淫者以軍法論比在南方有此一事犯者曰此婦被賊擄去爲夷狄妻奴今某無知收留尚是中國一處人本府

亦曾折之曰、他是賊、你也是賊耶、遂無言可對、

第二十四戒妄殺、你聞釋家云、救人一命、勝造七級浮屠、浮屠者、造塔也、地獄輪迴之說、變做生畜、償他冤債、天道好還、鬼神報應不爽、且你要掙得功來、紀錄世襲子孫輩輩受用、賞的銀子、又係百姓膏脂、百姓不幸被賊擄掠、復得到中國、或一時被賊趕散、室家分離、人人可憐之時、便是達子倭子、見中國人跪告哀憐、亦且慈悲放了多少、你我是中國一類人、朝廷設來保障百姓、今百姓在危

地反殺其首級，冒功與子孫受用，此等無天理之人，天決不宥。今後戰賊旣敗，所獲子女人口，卽是真達賊，不許殺取首級，只將生口送官論功給賞。若戰後殺取降人，并中國婦女報功者，不特紀功，官不准主將臨敵時面見鮮血，猶存驗有前弊。查真動手提級來報之人，卽時斬首，償命雖夙有功者，不宥此一節。萬萬叮嚀，凡我將士務要痛改，盡洗此方第一弊也。

### 戰後約凡六條

第一報戰傷每戰畢收兵到營一面各哨將督據千把總卽開戰傷者爲一手本先遞凡弓箭傷係致命處爲一等雖重不開超等被中三箭以上雖輕亦開一等中二箭者雖輕不開三等凡射在手足間爲二等箭入不深再輕者爲三等再輕者爲四等止其刀傷當面者爲超等傷手足重者爲一等輕者爲二等三等止凡箭刀傷俱在背後者不准亦不給醫藥若賊衆四面圍砍我軍在中向敵者雖背傷亦准作等數須取哨將及臨陣將官

畫字於手本末若衆軍同敗一齊奔走而傷者不論面前背後俱不准恤卽不必開報若有幾人能於衆人敗走之中復回身對敵能阻賊回者卽無傷俱開頭等傷者原合一二三四等例俱各進一等開報超等者開超超等

第二報陣亡另開一手本某人傷某處須面前傷乃坐同隊伍償命之罪傷在背後死者不恤亦不連坐同隊伍若大衆敗走而亡者不恤當開坐退縮被殺但有一傷在前者卽准血戰陣亡之數



第三報功級另開一手本，本哨共斬若干，衝鋒某人某人，斬取首級某人某人，聽主將照前例均派願紀錄者，約自己該銀若干，衆人分銀若干，除已分外，仍出銀與各應賞者，其首級聽紀錄衝鋒者，除分派首級之外，另有特賞。

第四報人口另開一手本，以憑發主獲者照數賞銀。

第五報軍器另開一手本，解官貯庫。

第六報馬匹另開一手本，以憑議賞衝鋒之軍弁。

有功人員

武備志卷七十四

防風茅元儀輯

陣練制

練七

懸令四

禁令四

紀效新書曰操令凡二十條

凡你們的耳只聽金鼓、眼只看旗幟、夜看高招、雙燈、如某色旗豎起點動、便是某營兵收拾聽候號

合萬  
一人故  
可以敵  
萬人

頭行營出戰，不許聽人口說的言語，擅起擅動。若旗幟金鼓不動，就是主將口說要如何，也不許依從。就是天神來口說要如何，也不許依從。只是一味看旗鼓號令，兵看各營把總的把總看中軍的，如插鼓該進，就是前面有水有火，若插鼓不住，便往水裏火裏也要前去。如鳴金該退，就是前面有金山銀山，若金鳴不止，也要依令退回。肯是這等大家共作一箇眼，共作一箇耳，共作一箇心，有何賊不可殺，何功不可立。

凡掌號笛卽是吹鎖呐是要聚官哨隊長來分  
軍中事務

凡正行之間放銃一箇就是要更變號令卽立定  
看聽有何旗豎有何號令再行

凡歇處吹喇叭一盪火兵卽做飯衆人收拾吹喇  
叭第二盪各兵吃飯吹喇叭第三盪各兵出赴信  
地割管候主將到發放施行

凡喇叭吹天鵝聲是要各兵呐喊

凡喇叭吹擺隊伍是要各兵卽於行次每哨一聚

各留空地擺定。

凡喇叭吹單擺開，是要各隊卽便挨隊甲踈踈擺開，每一小隊相平離一丈五尺。

凡旗點過，只吹喇叭一長聲，是要各兵轉身照旗所向轉過。

凡打銅鑼，是要各兵坐地休息。

凡吹唢囉，是要各兵起身執器械站立。

凡點步鼓，是要各兵照先樹起的旗次發兵行營，每點鼓一聲走十步。

凡插鼓是要各兵趨跑向前對敵交鋒、

凡下營定插鼓立中軍旗是放火兵出營樵汲掌號是收回、

凡各舉動與交鋒但聞鳴金一聲即便立止又鳴一聲是要各兵退還連鳴二聲是要各兵又於脚下便再轉身向前立定、

凡打金邊是發人探賊、

凡摔鈸響是要各收隊即將原單擺開的兵照舊收成各哨再收成每營一處、

凡塘報搖小黃旗是有賊至。

凡旗幟各兵認定各總哨顏色。但本總旗立起，卽便收拾聽令。若旗左點，則卽左行；右點，卽右行；前點，卽前行；後點，卽後行。隨旗所指而往。本總旗收捲在地，卽各聽令立定。如旗不起，脚下卽是信地。雖天神來叫移動，也不許依從擅動。夜看高招火鼓與畫一般。

凡鳥銃遇賊，不許早放，不許一遍盡放。每至賊近，銃裝不及，往往悞了衆人性命。今後遇賊至一百



步之內、聽吹竹筒響在兵前、擺開每一哨前擺一隊、聽本管放銃一箇、纔許放銃、每吹喇叭一聲放一遍、擺陣照操法、若喇叭連吹不止、各銃一齊盡放、不必分層、

凡弩手射手、候鳥銃打放將完、賊至六十步之內、起火放方許、繼銃後射箭、無令不許擅發、

### 水軍凡二十五條

一、平日各照派定武藝、時常檢點、船上器具、每日一次看驗損壞、火藥遇天晴五日一曬、收閣乾燥、

避火之處、鎗刀鐵器、半月一磨、遮蔽風雨、一件收磨不如法、扣罰工食、甲長連坐、

一、每船斧口石大槓石、務足若干、八分放在船底、二分放在船面、用過卽補、不補者扣工食、

一、每甲兵六名、如有在逃一名、將甲長細打收監、甲下兵夫以五名收監、以五名齎文分投捉拏、獲日卽以本犯歷過工食充賞、限三月拏不回、將差過之兵、各打四十監併、又差在監一半去拏、如此輪拏、一年不獲、全甲兵夫俱革其一年工食、通扣

在船修艗船隻凡差出挈逃兵者工食卽日扣收  
在官挈獲有功之日給與其逃兵自首免罪不到  
者春汛時月發船之期依臨陣在逃法示衆每甲  
俱有逃兵連坐捕盜每船俱有逃兵連坐哨官各  
哨俱有逃兵連坐領兵官依次連坐卽行覺舉者  
免罪

一兵逃甲長卽時稟捕盜捕盜呈哨官轉呈把總  
呈府註冊拘該甲兵夫給文行挈

一每月初一十五補兵卽於廿九十四日該管捕

盜募兵到船送付哨官帶到領兵官驗呈把總類  
驗本府驗中給與腰牌發總呈道收冊發船駕操  
一各船捕盜遇夜出哨脚船三板船俱要收藏穩  
便不許拖帶恐遇風急潮滾頓流如在船兵役取  
水不便悞失者管船兵夫一面治以軍法一面扣  
月糧賠造

一在港每日清晨中軍船定營吹打三通放砲三  
箇升太平旗左右前後四營依序安擺各擂鼓鳴  
金亦升太平旗

一捕舵兵夫上岸買辦柴米及神福船具俱赴中軍船給籌票刻限時日回銷敢有不行稟鳴私自擅離及該管小甲互相容隱知而不舉者一體連治軍法

一各船領兵指揮哨官捕舵兵夫風汛時月不許偷安假托事故在岸宿歇虛竊錢糧致悞事機者不分貴賤一體軍法重治如有警掌行號已畢而未到船已起旋而方來俱係畏避卽發保候無功者斬

一各船捕舵小甲兵夫各照安名分長幼尊卑務  
念同舟共命如父子兄弟相處不許嗜酒在船爭  
打違令喧嘩俱以軍法連坐然後另行發官問理  
曲直

一兵與甲長凡事務相推讓惟甲長是聽甲長平  
時見捕盜一跪一揖遇軍中發放跪聽號令

一捕盜見哨官平時青一撒一跪一揖遇在中軍  
或臨敵以軍法施行

一哨官見領兵官一跪一揖臨敵臨操軍法施行

一領兵官戎裝見把總兩跪一揖平時許以官  
臨操臨陣戎裝聽令小則徑自細打

一哨官見把總兩跪一揖臨操叩頭捕盜見把總  
叩頭捕盜見領兵官平時兩跪一揖臨操叩頭跪  
見

一各船官捕兵役各備蓑衣箬笠一副以便遇雨  
應用毋得抗違

一隔日先行牌諭各捕兵將以出洋若干日該備  
糒米水數目令備完限時點查欠者細打罰工食

凡中軍吹長聲喇叭一通，立起黃旗一面，各哨船出洋哨賊。如報有警，本總卽升船廳聽砲三箇，大吹打畢，先吹唢囉一盪，各船一面起舵，長號笛官捕旗甲俱坐三板赴中軍船下，兩邊照營列定。掌號官稟稱官旗到齊，聽發放船上叫官旗進來，水倉門報門俱赴船面，掌號官叫官旗過來，以下俱照常時在於水寨操練。規矩發放畢，各官捕回船，亦照寨操一體發放畢。中軍船擂鼓，升行旗吹第二盪唢囉响，各船起篷。第三盪唢囉依次開船，在



洋行使首尾相接、鴈行而進、不許太相遠離、舢梢一船違令、捕盜之罪、二船違令、哨官之罪、四船違令、領兵官之罪、中軍畏縮、把總之罪、其舵工瞭手、皆加倍重治、遇有船漏風水不便者、覈實免罪、一各船以燈火爲號、中軍船放起火三枝、放砲三箇、懸燈一盞、各船以營爲辨、前營船懸燈二盞、平列、左營懸燈二盞、各桅一盞、右營大小桅各懸燈二盞、平列、後營懸燈二盞、一高一低、看燈聽銃、收舢船到、將近船上捕盜、先自呼名、識認、

一遇夜泊船聽中軍船招艚喇叭響各船依序隨  
艚安插不許私求穩便遠泊因而疎虞斬首示衆  
哨官連坐

一守夜號令俱同在港號令但每夜加鳥銃手二  
名點火執銃遇疑即便對放

一各船遇夜有急看中軍旗五方高豎燈五盞是  
欲設疑以見船多之意每船後尾上立燈左右一  
盞前桅上加燈二盞

一中軍船戰聲喇叭響各鳴鑼齊擂戰鼓天鵝聲

響大聲吶喊奮勇剿殺獲有功級各送領兵指揮  
驗實類送中軍紀驗解報退縮後至者斬其捕盜  
船行遲曲而後到者斬其捕盜舵工遇淺者斬其  
拔招手船雖先到而不直射賊船旁邊擦過者斬  
其舵工瞭手使風不正者斬其舵工瞭手如已使  
逼賊舟相并不能成功致賊舟復走者斬其捕盜  
各甲長有能挨報某兵不用心某兵不用心者其  
不用心之兵斬首甲長止於緦打

一敵人慮我官兵追戰將船內器物遺棄水中兵

夫敢有撈拾而不追賊者，許本船捕甲割耳示衆，故縱者連坐斬首。

一凡已打敗賊舟一隻，而餘舟不行分投追打別賊，共相攢來爭撈首級，致賊遁走者，各船獲級俱止歸先打一船之功。餘船捕盜網打一百，割耳各治以軍法。

一報警至急，起舵不前，卽使用大貓竹一段，計長一二丈，縛於舵，繖浮水，以便班師各自認取，違誤舵手割耳示衆。

一各船捕舵兵夫遇泊船山嶽無故不許上山閑遊恐遇警一時下船不便致有悞事若要取水輪直兵夫赴中軍船告稟明白方許取水違令上山人挈治不恕

一往來巡哨遇有警急各在信地登各相近山上先行舉放煙火所在兵船瞭見火光煙焰就行開帆望火前進哨剿聯近烽堠卽時按放傳報南北大兵防截其哨船仍探賊船白往踪跡親報領哨官以便進止如火報不爽兵船逗遛悞事罪坐該

營領哨官員若哨船不盡信地止於一處探望或在漁樵船隻人內取信或到山放火而原積柴草不足火小不能燎遠致失傳報悞事者該直哨船軍甲俱以軍法斬首

武備志卷七十五

防風茅元儀輯

陣練制

練八

懸令五

賞罰

宋制

賞格

陣獲轉遷賜物等第

三陣

以少擊多爲上陣、數相當爲中陣、以多擊少爲下陣、

三獲

據賊數十分率之、殺獲四分已上、輸不及一分爲上獲、二分已上、輸少獲多爲中獲、一分已上、輸獲相當爲下獲、  
以上並謂大勢得勝者、若雖有獲而奔敗、不用此例、

轉官

七資爲第一等、五資爲第二等、三資爲第三等、二



資爲策四等，一資爲第五等。

右轉及諸司使副者，卽依平轉例，以五額爲資。

### 賞等

上陣上獲第一等轉官，上陣中獲第二等，上陣下獲第三等。

中陣上獲第二等，中陣中獲第三等，中陣下獲第四等。

下陣上獲第三等，下陣中獲第四等，下陣下獲第

五等、

右以上都監巡檢及隨軍使臣用此例其賜物臨時準陣獲上下約數支給鈐轄已上定陣獲上下奏取、

轉階級

三轉爲第一等、兩轉爲第二等、一轉爲第三等、右廂禁軍、藩落義軍、弓箭手、副都頭、副兵馬使、以上用此例、凡軍頭十將以下、隨屬處牒補訖、奏副都頭、副兵馬使以上、先用此例給付身功、

狀憑牒奏乞降宣其軍都指揮使以上奏取朝旨五轉爲第一等三轉爲第二等一轉爲第三等

右廂禁軍蕃落及義軍弓箭手自長行軍士軍以上用此例

賜物

絹十疋錢十貫爲第一等絹七疋錢八貫爲第二等絹五疋錢五貫爲第三等絹三疋錢三貫爲第四等絹一疋錢三貫爲第五等

右廂禁軍用此例，軍都揮使以上，委諸主將量大小，約此等優加酬賞，給訖奏聞。

絹十疋爲第一等，絹八疋爲第二等，錢十貫爲第三等，錢五貫爲第四等，錢三貫爲第五等。

右蕃落義軍弓箭手用此例，此上二等賜物，或有舊支錦襖子腰帶者，自依舊例支，仍將價直納準賜物等第配折，第四等以下，更不支錦襖子腰帶。

一臨陣對賊矢石未交，先鋒馳入陷陣突衆賊徒，

因而破敗者、爲奇功、或寇賊堅銳、城池險固、山水阻隘、道路遙遠、及救兵不繼、如此之類、旣制勝克敵、難易相遠、並不可以常格酬敘、委主將臨時錄奏旌賞、

一殺賊斬一級者、與第四等賜、其臨陣斫營、率先用命、及突衆深入、各有殺獲者、與第二等轉、轉者謂轉階級下條轉准此、

一臨陣或斫營生擒賊、每一人與第二等轉、生擒賊人員者、與第一等轉、

一斫賊營寨、能使寨動賊亂、因而入敗者、若使臣部領與第三等轉官、若只軍員部領與第一等轉、仍並給第二等賜、隨從軍士各與第三等賜、若使臣部領有軍員隨從、其軍員與第二等轉、賜物準上

一臨陣能用命殺退賊者、除主將準陣獲行賞外、其餘軍士非擒生斬級者、每人給第五等賜、若與賊對陣、未決勝負、因策應而得勝者、其策應將士各加一等賞賜、

一能邀獲賊探馬遊騎者與第二等轉、  
一深入殺賊致中傷者給第四等賜、雖中傷仍有  
獲除轉遷外給第三等賜、重者加一等、  
一擒生斬級有中傷者除轉遷外別給第四等賜、  
重者加一等、

一臨陣斫散頭首旗鼓者與第三等轉、仍與第五  
等賜、如能奪致旗鼓者與第二等轉、仍給本等賜、  
奪致者須主將臨陣親見、及衆人保委、方得行賞、  
一將校臨陣被傷、有能救免者與給第一等賜、

一數人共擒斬賊一人或數十人共擒斬賊數人者除親擒斬到依上條賞賜外餘隨從人各降一等

一將士每有戰傷官司並給與公憑若重傷兩次輕傷三次與第三等轉

一覘得賊情者賜物如因此敗賊優與酬賜

一捕獲賊姦細者賜物

一告人與賊通情得實者賜物仍別給所犯之家妻子雜畜資財以上三條並隨功大小酬給賜物



先定數、如有探知賊大謀秘計、因此廣致克獲、若誘降酋長城戍、及賊庭用事將相者、並爲奇功錄奏、特議旌賞、

一攻戰所獲軍帳人畜資財雜物等、並賜所獲之人、內馬及甲仗、納官給償、

一大捷多獲、除賞奇功外、一半入官、一半均賞戰士、其物非私家得用者、官給其直、

一擒斬到賊、近上頭首、並理入奇功、委主將錄奏、一將士得功、或高於所立賞格者、並比奇功錄奏、

一破蠻獠立功者、減西北邊戰功二等賞之、

戰傷例

禁軍副指揮使以上至軍都指揮使、傷重者支絹七疋、輕者五疋、副都頭副兵馬使以上、重五疋、輕三疋、長行以上、重三疋、輕二疋、

廂軍義軍弓箭三副指揮使以上、重五疋、輕三疋、副都頭副兵馬使以上、重三疋、輕二疋、長行以上、重二疋、輕一疋、

右爲裹瘡之賜、其酒藥錢物並臨時約舊例隨輕

重支給以公用物充

戰士例

陣亡軍士各隨軍分指揮給與膊贈其等第用三司

宣例

陣亡軍士之家子孫及親弟姪取最長一名年二十已上充填本軍內有人材過本軍等樣或不及元軍分等樣配軍並倍支入軍例物內十五以上身無殘疾願充軍者且支半分請受候年及二十

宋人以  
字孫補

軍爲優  
厚今古  
不同如  
此以宋  
發軍厚  
故人樂  
趨之也

武備志卷三十五  
據等配軍、其無人充軍者、家屬隨便仍給錢十貫、  
陣亡軍員子孫、指揮使副指揮使錄用三人、副都  
頭副兵馬使已上、二人並充殿侍、或已在軍者、與  
十將、如十將以上者、量與轉遷、若無子孫可錄、指  
揮使家給錢一百貫、副指揮使八十貫、副都頭副  
兵馬使以上七十貫、其都虞候以上錄用子孫列  
奏取旨、

### 行賞約束

一立功將士應合酬敘者、皆令主將於賊退後、諸

軍才散時、對衆敘定、直言斬獲中傷次第、務從簡速

一將士得功、主將卽時對定、明其姓名申奏、不得以隨身牙隊親識移換有功人姓名、致抑壓先鋒遠探及臨陣効命之人、如士卒顯有功狀、爲人移易抑壓者、許經隨處官司自言、

一申得功將士使臣、皆具官任軍、分姓名、本屬主帥並官軍賊衆多少、彼此殺獲輸失之數、及奪到軍資器械并戰時月日、戰處去州縣遠近、仍具部

着等姓名開奏亦須文字簡速不得淹遲

款要  
一 一定將士戰傷內臨陣者如背後傷中不在賞例  
若深入殺賊斫營陷陣雖傷中在背後不緣退怯  
亦與賞賜

一 一 通軍賞賜錢帛袍帶等約數將行備軍前合  
要卽時支給外若將士得功應賜者並主將先給  
印紙開坐色件付身其印紙不得臨陣對壘給散  
別致喧擾軍回日所在州軍疾速申請若有違約  
束者斬

四  
四

一臨陣非主將命、輒離隊先入者、斬、

一賊軍去陣尚遠、謂射力不及之地、弓弩亂射者、  
斬、

一臨陣聞鼓聲、合發弓弩而不發、或雖發而箭不  
盡、不盡、謂若衆射三箭已、獨射二箭之類、及拋棄  
餘箭者、斬、

一臨陣弓弩已注箭而回顧者、斬、

一將校士卒臨陣詐稱病者、斬、在邊鎮詐有所規

免者、絞、或副或署以上詐病者、奏裁、

一臨陣或在賊境、非應得傳言而輒高聲者、斬、非  
臨陣在賊境者、杖一百、

一下營訖、非正門輒出入者、斬、

一覘候謬說事宜、更相托及漏泄者、斬、

一將卒有私讐、至臨陣以相報復者、斬、

一臨陣失馬者、斬、力戰馬被傷殺者、不坐、卽軍員

將弱馬換軍士壯馬者、亦斬、鈐轄已下、除名決配、

副部署已上、約取奏裁、



一戰陣失主將者親兵並斬臨陣擅離主將左右

者、並科違制之罪、

一漏泄事、或散號漏泄者、斬、

一尅日會戰、或計會軍事後期者、斬、計會軍事、如

大雨雪及水火力不能赴者、不坐、

一軍中非大將令、副將下輒出號令、及改易旌旗

軍號者、斬、若號令未便、須合改易者、先申大將、如

事當機速不及先申、其改易實便者、不坐、卽叫呼

或吹物涉爲號者、亦斬、

一排陣已定、都監使臣軍員以下、輒抽一人一騎

者斬

一會戰或臨賊下寨、行列不齊、旌旗不正、金鼓不鳴、主者及所犯者皆斬、教陣而違者杖一百、  
一下營誤不如法、主者杖一百、在賊庭者斬、  
一背軍走者斬、非出軍臨陣日、依廂禁軍勅罰、  
一邊塞有警急、及探得賊中事機、不取主將節度而擅發兵者斬、若賊已叩境、即時須兵馬策應、關報主將不及者勿坐、

一不候銅符木契與宣命文牒相勘合而輒發兵

者斬、得符契不發、及不卽發、不卽發、謂出軍臨陣之時、若尋常抽發移替、自依常程日限、或雖得符契、不依次第、及無宣命文牒相副、而報發者亦斬、  
一臨陣先退者斬、

一逐隊部被攻危急前後及左右隊部、當救不救、因至陷者、全隊部皆斬、

一失旌鼓旌節者全隊斬、或爲賊所取者、亦全隊斬、

一陣定後輒進退亂行者、前後左右所列之將、聽

便斬、

一設奇伏掩襲、務應機速發、前將先合、後將卽赴進退應接、乖者、斬、

一令遠探卓望、不覺賊來者、斬、

一賊來可出軍而不出者、斬、

一差探賊軍、反入賊境、可往而不往、更相推托、及回不以實者、斬、

一有警急不舉烽、及見前烽已舉、後烽不應者、斬、或無警而誤舉烽、致警擾城寨、及舉烽多少不如

法致誤事者亦斬承誤而應者不坐

一守城不固者本地分及主者皆斬或圍賊城不固亦斬

一更鋪失候夜巡失號止宿他火者斬

一行軍不赴隊伍犯蘭後馬者斬

一器仗不預修整致臨陣不堪施用或給受之際不卽言上致臨陣敗事者斬

一部署鈐轄以下商議兵政務在和允卽時裁遣違者以違制論若所執顯涉頗曲者除名

一部署鈐轄等、每有行下宣勅文字、並具承受時疾速奏報、遲者以違制論、

一出軍在道、及緣邊城寨、支請受典級、敢減尅糧食草料衣資賞賜者、不計多少皆斬、

一吏卒與賊私交通、或言語書疏者、斬、沒其家、

一主吏役使不平者、斬、主吏謂指揮使已下、

一不伏差遣者、斬、

一自相竊盜者、不計物多少並斬、非出軍臨陣、自

從常法、

一巧詐以避征役者、斬、

一避役自相殘者、斬、

一將吏受贓枉法、及論功定罪、故不以實者、斬、失  
者委主帥量罪斷遣、妄張賊數、至悞奏陣獲者、亦  
斬、

一隱欺破賊收獲及死亾兵士資財者、斬、

一以強凌弱、忿爭酗酒、喧悖惡罵、或扇搖恐赫軍  
伍、及犯階級、於理不順者、斬、

一博戲賭錢物者、斬、非出軍臨陣、自依常法、



一失去衣甲器械者斬、主將見而不收者、違制之罪、及故毀棄軍裝、或盜賣器械軍裝、而詐稱失去者、亦斬、

一大軍在路、遺落器械衣物、皆須移在道傍、令收後人收候、下營處召主分付、如他人妄認及隱匿者、斬、如收後人不收者、杖一百、

一軍中奔車走馬者、斬、自指揮使以下、並須步入營寨、違者杖一百、營寨謂主帥所在、  
一貪爭財物資畜而不赴殺賊者、斬、

一訛言誑惑、妄說陰陽卜筮道釋鬼神災祥、以動衆心者、斬、

一無故驚軍叫呼奔走、妄言賊至、及夜呼驚衆者、並斬、卽賊乘暗攻營、將士輒呼動者、亦斬、

一軍中有卒警急、及失火所在、軍人輒叫呼奔走者、所在官司得斬之、若在城守圍中、亦斬、

一放火者斬、仍沒其家、或遺火燒屋宇、軍幕及財物積聚、通計錢二貫足已上者、斬、

一軍中有火、除救火人外、餘人皆嚴備、若輒離本

職掌部隊等處者、斬、

一入賊境、軍士擅發冢墓、焚廬舍、殺老幼、及婦女、踐禾稼、伐樹木者、斬、如主將有命令、蹂踐賊地、禾稼、伐樹木、或焚蕩廬舍者、不坐、

一軍士雖破敵有功、擅掘冢燒舍、掠取資財者、斬、  
一姦犯居人婦女、及將婦女入營者、斬、

一賊使人入軍、非主司輒與語者、斬、若擒獲敵人、及來降者、並領見主帥、不得詢問敵中事宜、若違因而漏泄者、斬、

一行營吏卒、私議軍中事宜者、斬、

一行營吏卒、受他人財賄、情涉交通者、斬、親戚供饋者、不坐、

一得賊射書、吏卒卽時封送大將、輒開讀者、斬、如士卒有親故贈遺書信者、領赴主將驗認給付、違者杖一百、

一賊軍棄仗來降、而輒殺者、斬、

一破賊先虜掠者、或入賊境擅虜掠者、斬、

一破賊後、因爭俘虜相傷者、斬、

一戰罷抽軍須徐緩而行、輒走者斬、

一違主將一時之令者、斬、謂隨事號令、

一軍行下營、亂行失伍、及樵牧汲飲出表外者、杖一百、

一凡見奇禽異獸、恠物入營壘、及捕獲者、當時報主將、不告而輒傳道者、杖一百、

夫三軍之衆、畏我則不畏敵、畏敵則不畏我、此賞罰之所以設也、明將知其然、故彰利示害以曉衆、信賞必罰以勸功、及對陣交和、咸見斧鉞、爵祿之

具在、則士卒雖欲勿戰、亦不可得也、故使疲者勇、懦者決、進有幸生、退有必死焉、昔戰國時、秦人兵力最雄、蓋能教蓄銳士、怵之以慶賞、輜之以刑罰、凡民欲要利於上者、非闕無由、其有軍功者、各以律受、上五甲首而隸伍家、以此爲賞、民無不勉也、若軍大戰而大將死、吏自五百石已上、不能死敵、皆當斬、大將左右吏卒、亡軍者皆斬、士卒有軍功者、奪無軍功者、戍三歲、五人爲伍、五十人爲行、戰而亡其伍、同五人奪功無功者、亦戍三歲、以此爲

罰民無不懼也。所以四世有勝、衡、擊六國、六國莫敢抗之。非幸也。有術數然也。是以善用兵者、誅大以爲威、賞小以爲明。刑上極而不避貴重、賞下通而不遺廝賤。誅戮一卒而萬衆畏勸者、用此道也。

### 本朝制

#### 賞格

國朝陞賞功次、軍職官有功、查勘明白、造冊到部、當陞賞者、各照立功地方、則例具奏陞賞。其論功、以剿殺北虜爲首、遼東女直次之、西番及苗蠻又

次之、內地反賊又次之、其捕盜并緝獲妖言、亦有陞賞之例、附見於後、

洪武十九年、令從征官沒於陣所者、子孫襲職陞一等、

二十九年、令各衛指揮千百戶、獲倭船一艘及賊者、陞一級、賞銀五十兩、鈔五十錠、在船軍士、生擒殺獲倭賊一人者、賞銀五十兩、陸地交戰生擒殺獲一人者、賞銀二十兩、

三十五年、令官軍對敵之際、能立奇功者、陞二級、



頭功陞一級、次功不陞、

永樂四年、令一家陣亡二三人者、陞二級、

宣德九年、定南方殺蠻賊例、凡斬賊首三顆以上、及斬獲首賊者、俱陞一級、斬首二顆、俘獲一二人、斬從賊首一顆以上、及目兵兵款有功者、俱加賞、不陞、

景泰元年、令馬邑等處當先殺賊者、百戶所鎮撫以上、陞署職一級、總旗以下、陞實授一級、不賞、軍職舍人有官帶者、陞實授百戶、無者陞所鎮撫、文

職舍人陞試所鎮撫義男餘丁人等不分有無冠帶俱陞小旗有不願加陞給賞其南方金沙江等處頭功四次三次及衝冒瘴毒亡者陞一級陣亡者陞二級

二年令遼東官軍二次當先斬獲賊首馬匹者陞一級加賞被傷及戰回死者陞一級陣亡陞二級俱給賞一次斬獲者陞一級不賞

三年令貴州香爐山等處獲功九次至十七次者陞一級內百戶所鎮撫以上殺獲三名顆者陞實

授不及數者、陞署職、

四年、令父在而子孫隨軍陣亡、別無應繼者、陞其父二級、

五年、令自己獲功該陞而同藉親人、有陣亡無嗣者、許併其功於見存之人、通論陞賞、

六年、令浙江福建殺賊官軍、獲功五次至七次者、陞一級、不賞、民快人等冠帶、本身陣亡者、與其子冠帶、仍給賞、一次至四次給賞、不陞、

天順元年、令陝西殺虜領軍官并敵退劫營達賊、

當先敗賊、及擒斬賊級爲首、并陣亡者、俱陞一級、給賞、其力向前并生擒斬獲爲從者、給賞不陞、其南方誘獲苗蠻僞王侯、殺賊二十五次、至三十九次、斬首三顆、擒賊首一二名、及陣亡者、陞一級、給賞、十三次至十九次、斬首三顆者、陞一級、不賞、殺賊二十五次至三十九次、斬首不及數、及陣亡土官人等俱加賞不陞、凡土官有功無陞例、六年、令擒斬達賊一名、顆爲首陞一級、不賞、爲從及傷故者、給賞不陞、

百功不  
實止降  
一級其  
法太難  
所以見  
切者不

七年、令六次先登致敗達賊者、陞一級、加賞、三次  
及陣亡者、陞一級、給賞、齊力策應者、給賞不陞、  
成化二年、令官軍妄報功次、冒受陞賞者、事發革  
去、仍降原職役一級、調衛差操、

四年、令四川平山都掌官軍擒斬八名、顆以上、及  
俘獲男女者、陞二級、加賞、七名、顆以下、有俘獲及  
陣亡者、陞一級、量賞、五名、顆以下、有俘獲陞一級、  
不賞、三名、顆以下、及土官擒斬四名、顆以上、與陣  
亡土兵俱加賞不陞、

六年、令夜不收出境哨探被賊殺死者、陞賞依陣  
亡例、奪去馬疋免追、

十四年、申明陞賞功次、一甘肅寧夏陝西延綏偏  
頭關大同宣府山海關一帶、虜賊一人、擒斬一名  
顆、陞一級、至三名顆、陞三級、二人共擒斬一名顆  
爲首陞一級、至三名顆、陞三級、驗係壯男、與實授、  
幼男婦女、與署職、爲從及四名顆以上、俱給賞、一  
遼東女直、一人擒斬二名顆、陞一級、至六名顆、陞  
三級、驗係壯男、與實授、幼男婦女、與七名顆以上、

并不及數者、俱給賞不陞、一陝西甘肅四川貴州  
湖廣兩廣番賊苗蠻、一人擒斬三名、陞一級、至  
九名、陞三級、驗係壯男、與實授、幼男、婦女、與十  
名、以上、并不及數者、俱給賞、一內地反賊、一人  
擒斬六名、陞一級、至十八名、陞三級、驗係壯  
男、與實授、幼男、幼女、與十九名以上、并不及數者、  
俱給賞、其功次須驗、不係一日一處者、方如前例、  
若係一日一處之數、止擬一級、其餘給賞、陣亡官  
軍、與哨探、被殺、夜不收人等、俱陞一級、一陣前刀

箭重傷者、陞署職一級、當先次數多者、分別等第加賞、無傷而當先數多者、止給賞、有輕傷者、亦加賞、一俘獲賊屬人口、奪獲頭畜器械、并齊力助陣者、量賞、人口就給俘獲原主、一把總領軍官所部五百人、擒斬達賊五名、額陞一級、每五名加一級、所部一千、首十名、額陞一級、每十名加一級、俱至三級而止、二級實授、一級署職、若係都指揮使以上、止陞署職二級、賞、別種賊寇、推類而行、已陞之外、功次更多、并不及數者、給賞一陣前



陳別陳懸令五

至冠帶總旗、總旗陞一級至試百戶、冠帶總旗陞一級至實授百戶、試所鎮撫陞一級至實授所鎮撫、實授所鎮撫陞一級至實授百戶、百戶陞副千戶、副千戶陞正千戶、正千戶陞指揮僉事、僉事陞指揮同知、同知陞指揮使、該陞都指揮都督者類推而行、其軍人舍人至小旗、小旗至總旗舍人至試所鎮撫、總旗至試百戶、俱無署職、惟百戶以上聽以次署陞、其署職至實授亦作一級、有緣事該降、卽以此爲則遞降、一官軍人等爭奪擒斬功次

者不許紀錄一詐冒功次者勘問降一級功次不  
准一出師監督總兵等官并鎮守總兵巡撫紀功  
供給等官班師之日本部照功次冊具奏陞賞凡  
遠年功次不許奏擾

弘治元年令領兵守備官不得自報功次所部旗  
軍斬獲不及五名顆者領軍官不准陞賞

十三年奏准跟隨內臣將官頭目不分有無職役  
者非奏帶不許報功果係奏帶獲功該陞職役只  
合註於本管衙門不許希求註於錦衣衛違者該

陞職役俱革罷、扶同勘報者、叅究治罪、凡臨陣報  
有斬獲賊級者、紀功官從公審驗、若用錢買者、賣  
者俱問罪、係官旗就在本衛、係軍發邊衛、民并軍  
丁人等發附近俱充軍、若虜寇犯邊、官兵明知被  
虜人口遺棄在彼、因而妄殺、冒作賊級者、與殺平  
人者一體論斷、一凡擅殺平人報功、其本管將官  
頭目失於鈐束者、問罪量其所殺多寡、輕則降級  
調衛、重則罷職充軍、俱奏請、

號令

兼賞罰二條

永樂十二年令凡交鋒之際突入賊陣透出其背殺敗賊衆者勇敢入陣斬將搃旗者本隊已敗賊衆別隊勝負未決而能救援克敵者受命能任其事出奇破賊成功者皆爲奇功齊力進前者先敗賊者前隊交鋒未決後隊向前殺敗賊衆者皆爲頭功

凡建立奇功其親管頭目卽爲報知妄報者治以重罪行營及下營之時擒獲奸細者陞賞准頭功哨馬生擒虜賊一人者賞銀三十兩斬首一級者

賞銀二十兩、

凡行營之時、遇有鞍馬衣服器械不同者、衣甲器械相同、而喝問答號不同者、皆卽擒之、來降虜賊所携人口財畜、分毫不許侵犯、卽時來報、

凡與賊對陣、雖齊力殺賊、不許聚爲一處、掣拽空缺、如力不能支、不能決勝、無勇無謀、及不盡力殺賊者、全伍皆斬、

凡隊伍已定、不許馬軍入步隊、步軍入馬隊、違者重罪、如臨陣混戰、失其本隊、插入別隊者、不拘、

凡我敗虜賊須盡力進勦不許搶掠人畜財物違者重罪如乘馬困乏許所以擒賊馬換乘

凡對敵之際一隊遞看一隊有不齊力進前者戰勝之後許連隊之人首告治以重罪容情不首者罪同

凡管軍頭目須愛恤軍士軍士聽令不許怠慢如伍中有一人不在小旗報總旗總旗報百戶以次報知總兵官總兵官奏知從征官軍有在逃者斬該管頭目不報者重罪

凡軍士須人馬相應、不許以軟弱不堪者、插入隊伍、如人壯馬弱、或馬壯人弱者、許弱者以馬與壯者、若自己有馬、臨陣之際、能借與驍勇者、殺賊有功、許借馬人分賞、不願分者聽其戰馬臨敵許騎、無事騎者治罪、各管馬驢須愛惜馱載、該管時常點閱、有故違及將軍器拋失、或盜賣者、俱重罪、凡軍士行糧、該管官旗時行點閱、有過用及遺棄者、并該管頭目皆斬。

凡軍行及下營之時、須入認隊伍、不許擅離、及離



入別營別隊違者并該管頭目俱重罪

凡夜行相遇卽喝問有答號不得者擒送辨驗果  
不細照例陞賞故不答號及見而不擒者事覺  
以治以重罪

凡軍中遇夜以各樣大小銅角笛聲爲號不許聲  
音相同答聽號聲識認隊伍不許叫營違者論罪  
但夜門有喧譁者卽問所起之處及左右應聲之  
人與該管頭目皆治以重罪

凡行營須待大營旗纛起行或聽駕前銅角聲各

營方許起行，每日下營量撥步軍，或伍隊十隊，馬軍五隊，或三四隊，步軍披甲，馬軍不摘鞍伺候，長圍及架砲者，布列已定，方許入營休息。有盜人衣糧諸物，及盜驢馬宰殺，并檢括隱藏人遺失物者，俱斬。知情首實者，給賞；知而不首者，同罪。若收得驢馬騾犂者，卽送該軍轉送大營，召人識認。如有遺失被後哨官軍收獲者，收者治以重罪。

凡各營有失火者，卽是與賊遞送消息，并該管頭目俱重罪。其每日行營，不許在途炊飯違者，并本

營頭口皆斬下營掘井必令人監守不許作踐并  
占藏自用

凡軍中有病者管隊官軍卽令醫療掌藥料官及  
醫士常加巡視不許勒取財物違者重罪

凡長圍及坐冷者須晝夜關防各營架砲者務依  
方瞻望有灰塵揚起人馬往來若聞哨馬營及四  
面砲響者卽時傳報其管事官遇有事隨卽飛報  
不許頃刻遲慢

凡掠陣官臨敵時視有畏避退後者卽斬之紀功

過官遇有功者卽紀之有過者卽錄之以憑賞罰  
凡臨陣令內官持象牙牌視有勇敢當先殺賊能  
立奇功頭功者卽與牙牌收執徑赴大營給與勘  
合以憑陞賞

凡軍中有妄談災異及妖言或漏泄軍機者皆斬  
知情不首者罪同首實者重賞

凡見鹿及野馬黃羊諸物驚走突入營伍及望見  
鹿起或旋風揚沙野獸騰踏及見死馬牛羊與牛  
羊駝馬遺穢踪跡或拾得一應物件若男女衣服

首飾并文字等項、不論久近、隨即報知、

凡軍行在道、不許圍獵、或遠望似馬、非馬、似鹿、非鹿、似人、非人、白日見烟、人夜見火、不論是非、即報、凡功次務須實報、有虛誑者、重罪、所報實者、給與勘合、無勘合者、不准陞賞、

凡號令、總兵官告都指揮、指揮告千戶、千戶告百戶、百戶告總旗、總旗告小旗、小旗告軍士、務令遵守、

正統十四年令、每隊伍中立公正掌令官二人、務

令頭目軍士死生相顧臨陣有進無退若頭目不顧軍士先自退怯者掌令官卽斬其首別選頭目代之若軍士不顧頭目先自退怯者許後隊斬前隊准常功陞賞軍士不勇不進致頭目失陷者斬其全隊頭目不勇不進致軍士失陷十人者斬首至二十人者斬首不與承襲至三十人及全隊斬首籍沒其家凡軍士頭目應斬而有奇功者量與贖免其總兵官申令不明不嚴致十隊退怯者罰俸一年至三十隊者降二級至五十隊以上罷職

全軍退怯者、斬。但降敵者、全家斬首、籍沒財產。信  
軍之際、有敢搶擄民財至十貫以上者、斬首示衆。  
頭目縱容軍士搶掠至十人者、罷職充軍二十人  
以上至全隊、梟首營門。軍士並皆處死。軍中及募  
新來之人、不知軍法、敢有造言惑亂人心、阻撓號  
令、致壞事機者、凌遲處死、籍沒其家。臨陣在逃、及  
不聽總兵號令者、斬。

成化元年令、總兵官出師臨敵、軍中有違犯號令  
者、聽以軍法從事。尋常出哨等項、不許、

弘治十三年奏准、凡官軍遇有征調、點選已定、臨  
發、避難在逃者、依律問斷、若征期已過、宣府獨石  
等處沿邊哨瞭半年、滿日回衛、若仍發出征、及哨  
瞭而復逃者、依從征私逃再犯者律處絞。